



В ТУЮЖДЕ НЕДЕЛЮ СЫРНУЮ ВЕЧЕРА

Стихословим предначинательный псалом (чтец),
посем мирная ектения. Стихословия не бывает.

На «Господи воззвах»: поставим стихов 10. И поем 4 стихиры покаянны от Осмогласника на ряду гласа, яже суть писаны две на стиховне вечерни и две на утренней стиховне в понедельник [Такожде и в прочия недели, даже до пятыя недели Святыя Четырдесятницы].

И Триоди 3 стихиры, глас 2. Подобен: «Егда от древа»:

5. Стих: Аще беззакония назриши, Господи, Господи, кто постоит?/ яко у Тебе очищение есть.

Воздержанием тело смирити вси потщймся,/ божественное преходя поприще непорочно поста/ и молитвами и слезами Господа спасающего нас взыщем,/ и забвение злобы всеконечное сотворим, вопиюще:/ согрешихом Ти, спаси,/ якоже древле ниневитяны, Христе Царю,/ и общники ны сотвори// Небесного Царствия, Благоутробне.

6. Стих: Имене ради Твоего потерпех Тя Господи, потерпе душа моя в слово Твое,/ упова душа моя на Господа.

Себе отчаяваю, помышляя дела моя, Господи,/ всякаго мучения достойная;/ се бо презрев честныя Твоя, Спасе, заповеди,/ блудно мое житие иждих./ Темже молюся, тучами мя покаяния очисти,/ постом и молением, яко Един Милостивый, просвети,// и не гнушайся мене Благодетелю всех, и Преплагий.

7. Стих: От стражи утренния до ночи, от стражи утренния,/ да уповае Израиль на Господа.

Постное время светло начнем,/ к подвигом духовным себе подложивше,/ очистим душу, очистим плоть,/ постимся якоже в снадех

от всякия страсти,/ добродетельми наслаждающесе духа:/ в нихже совершающесе любовию,/ да сподобимся вси видети всечестную страсть Христа Бога,/ и Святую Пасху, // духовно радующесе.

И Минеи стихиры рядовому святому, 3. Аще имать святыи, Слава: стихиру самогласну. Аще ли несть, Слава, и ныне: Богородичен во глас Минеи, от меньших. Вход с кадильницею. Свете тихий:

Прокимен великий, глас 8: Не отврати лица Твоего от отрока Твоего, яко скорблю, скоро услыши мя./ Вонми души моей, и избави ю.

Стих: Спасение Твое Боже, да примет мя.

Стих: Да узрят нищии, и возвеселятся.

Стих: Взыщите Бога, и жива будет душа ваша.

И паки высочайшим гласом: Не отврати лица Твоего:

Таже, Сподоби Господи¹: и ектения просительная. (постовым напевом)

НА СТИХОВНЕ

стихиры самогласны, глас 4:

Возсия благодать Твоя Гóсподи,/ возсия просвещение душ на́ших./ Се вре́мя благоприятное, се время покая́ния,/ отложим дела́ тьмы́,/ и облечемся во оружие свéта;/ я́ко да преплывше поста великую пучи́ну,/ в тридневное воскресение достíгнем,/ Господа и Спаса нашего Иисúса Христá, // спасающаго души на́ша.

Стих: К Тебе воздвигох очи мои, живущему на небеси. Се яко очи раб в руку господий своих, яко очи рабыни в руку госпожи своея; тако очи наши ко Господу Богу нашему, / дондеже ущедрит ны.

Паки таже стихира.

Стих: Помилуй нас, Господи, помилуй нас, яко по многу исполнихомся уничижения; наипаче наполнися душа наша поношения гобзующих / и уничижения гордых.

¹ Пением великого прокимна завершается праздничное воскресное богослужение, и от «Сподоби, Господи...» начинается великопостное. Существует практика, по которой священнослужители по закрытии царских врат переоблачаются в темные одежды, и диакон [или иерей в епитрахили (в приходских храмах — и в фелони, если он служит один без диакона)] выходит для произношения просительной ектении на солею перед царскими вратами, певцы же поют эту ектению не обычным, но великопостным напевом.

Мученичен:

Прославляемый в памяти святых Твоих, Христе Бóже,/ от них умоляемь, // низпосли нам велию мѣлость.

Слава: святаго Минеи, аще есть. И ныне: Богородичен, по гласу Минеи. Аще же ни,

СЛАВА, И НЫНЕ: БОГОРОДИЧЕН, ГЛАС 4:

Ангельстии чини Тя Богомати прославляют:/ Бога бо Всечистая родила еси,/ Отцу и Духа соприсносушна,/ и ангельская воинства от не сущаго хотением поставивша./ Егоже моли от тли спасти/ и просветити души православных, // Тя воспевающих, Всечистая.

Чтец: Ныне отпускаеши: Трисвятое: По Отче наш:

ТРОПАРИ, ГЛАС 4:

Богородице Дево, радуйся, Благодатная Марие, Господь с Тобóю:/ благословенна Ты в женах, и благословен Плод чрева Твоего, // яко Спаса родила еси душ наших.

И творим поклон един.

Слава: Крестителю Христов, всех нас помяни,/ да избавимся от беззаконий наших:// Тебе бо дадеся благодать молиться за ны. Поклон един.

И ныне: Молите за ны святии апостоли, святии вси,/ да избавимся от бед и скорбей:// вас бо теплыя предстатели ко Спасу стяжахом. Поклон един.

Под Твое благоутробие прибегаем, Богородице,/ моления наша не презри во обстоянии:// но от бед избави ны, Едина Чистая, Едина Благословенная. Без поклона.

И абие чтец: Господи помилуй, 40 раз, кротким и тихим гласом. Слава, и ныне: Честнейшую херувим: Именем Господним благослови отче.

Священник: Сый благословен:

Чтец: Аминь. И молитву: Небесный Царю, веру утверди, языки ук- роти, мир умири, святы́й храм сей (святу́ю обитель сию) добре со- храни; прежде отшедшия отцы и братию нашу в селениих правед- ных учини, и нас в покаянии и исповедании прими, яко благий и Человеколюбец.

И творим три поклоны великия, и глаголет иерей молитву преподоб- ного Ефрема Сирина:

Господи и Владыко живота моего, дух праздности, уныния, любо- началия, и празднословия не даждь ми. Поклон.

Дух же целомудрия, смиреномудрия, терпения, и любви, даруй ми рабу Твоему. Поклон.

Ей Господи Царю, даруй ми зрети моя прегрешения, и не осуждати брата моего, яко благословен еси во веки веков, аминь. Поклон.

И глаголет предстоятель: Слава Тебе Христе Боже, упование наше, слава Тебе. И бывает совершенный отпуст.

По отпусте же творим по обычаю чин прощения.

Глаголет предстоятель слово покаянное, и подходит кийждо ко Че- стному Кресту, и просит прощения у предстоятеля и братии во гре- сех своих. Мы же припеваем стихиры покаянны, кии да волиши.

Во время чина прощения принято петь: «Покаяния отверзи ми две- ри...», «На река́х Вавилонских...» и др.²



² В Типиконе ничего не сказано о пении каких-либо песнопений во время чина прощения. Краткое указание: «И целуем святыя и честныя иконы» предусматривает совершение этого обряда в молчании. В старинных же соборных Чиновниках, например, Новгородского Софийского собора, Московского Большого Успенского собора, указывается петь во время целования святынь песнопения молитвенно-покаянного содержания: «Покаяния отверзи ми двери...», «На спасения стези...», «Множества содеянных...», «Владычице, прими молитвы...», стихире Успения: «О дивное чудо...» и молитву Святому Духу: «Царю Небесный...». В некоторых храмах принято также петь стихиры Пасхи, заканчивая словами: «И тако возопиим».